




黄葉夕陽村舎詩

三

113
985
3



413
985
3

黃葉夕陽村舍詩卷之五

備後 菅晉帥禮卿

題畫 戊午

深松鐘響近禪房
夾路幽花迎客香
稚子僂行行且戲
山程十里已斜陽

送人之長碕 課題

西指青蜓欲盡頭
羨君蓬矢志堪酬
如逢色目重鞮
譯海外傳聞幾九州

送梅 課題

黃梅五月雨冥冥
廢我吟行幾日經
不識新秧移已

子成曰
醉翁亭記

遍推凶四野接天青

賴久太郎寓尾藤博士塾二年歸路過卮堂因賦此為贈

千里遊方何所成談經二歲侍陽城歸來有獻尊親物不獨奚囊珠玉盈

題寒鴉古木圖

山長水遠迫晴空一掬愁心四野風古道無人秋又過寒鴉枯木夕陽中

書所見限韻三首

同蕭藤文貫武元君立賦

野塘風定碧彎環路遠懸崖亂石間一幅冰綃平似

熨丹青倒浸郭熙山

夜深乘醉入林行衣袂飄飄步履輕路轉忽知人境遠天風吹落萬松聲

書籠剪燭尚傳觴不覺東林已曙光滅燭辭觴未遽卧愛看郊雨綠茫茫

漁舟火影詩限韻

漁路茫茫菽葦迷舟師蓬底語聲低火來知是人尋蟹影入垂楊曲浦西

黃龍山呈文國

文國遊此距今二十年矣當時唱和者篋大道上空上人松井

子璐諸人今皆不在獨河子蘭及余存

長松大石舊林邱二十餘年感壑舟嘆息當時携手者幾人相對說曾遊

同充國訪子蘭

楚雲湘水二十年屈指同遊半九泉舊侶獨存君與我尊前道故賀華顛

武侯像

諸葛成何事降王走傳車金刀歷數終志大未必迂伯仲見伊呂何恨失吞吳

賴千秋寫沈休文詩見惠因次其韻酬之

藝備非遠道會見苦無期忽見古人唱我亦感別時

子成曰
打古為
九下不
以名者
成係子

山中風雨夕一尊有誰持索居情所重臨老轉相思

畫竹 應赤松官五霽

晚笋攢生幾穉龍春篁早已綠抽空四明狂客歸家日驚殺兒孫別作叢

中秋贈充國

故人移居東海邊雲山更隔路三千留君數月日論古此歡從今定何年時值三五會詩社不奈吟情入黯然林鴉啼散四無陰滿尊金波好共斟黃葉山下今夜飲墨水樓頭佗日心憶昔片帆西歸時同是少年易前期豈料一別成胡越忽經二十一年秋月

渡月橋

分賦平安十五
勝應類千秋需

溪流南北盡栽花南映丹崖北綠坡兩岸遊人互來
往橋聲颺颺踏紅波

題村翁飲馬圖

飲馬揚林夕溪流鳴石碕嗒然馬忘人人馬各相嬉
山中自來非無事寢訛鎮免範驅馳青絲絡頭為君
老說著斯境總不知

長松半身圖

百丈長松樹修鱗半入雲上巢雙白鶴時有喜聲聞
應柴博士需題京城四時樂圖

秀色
可殫

西溪春事趁新晴絲肉嘔啞夾岼聲別有天龍聯句
伴故尋幽處出花行

彩舟相逐沂香風笑語春暄波影中兩岼飛花流不
盡蘭篙刺破幾灣紅

賞荷掠蕩已昏黃歸袖飄飄露徑長一道紅光燭天
際知他牛廟納涼場

金輿出廟錦棚新輦下游觀最此辰憶昔鴨宮祀事
盛魚軒載擊輶紅塵

大字燈銷月色多北堂南陌夜如何銅駝橋上人行
少遠巷風傳連踏歌

千秋云
八首並
畫外
意另是
一畫軸

識者憂
世瑣事
關心先
生常恨
不得開
角大夫
調亦此
意

曾經遊洛事，嬉忽漫披圖。感歲時都下，近來無此
戲也。嗟風俗逐年移。

掃塵餽歲事，偏繁賞雪誰能對。酒尊兒女但歡春，已
近戲按亂掬滿街喧。

歲前車馬日奔驅，雨雪街頭踏作塗。却想
九重多暇豫，捲簾誰復指香爐。

四條納涼圖二首

士女挨携幾萬人，時裝一樣越絺新。紫巾認得為姣
子，黑齒知他是近臣。

錦棚銀燭媚新粧，歡笑誰知己。曙光雜妓醉嬌過畧

是東樣
在先生
為遊戲

去處二
韻押之
五絕自
古多佳
詩

約送傳隱語喚檀郎

城傍曲五首

俊鷗如飛電，鈴聲迥入雲。古城斜日外，獵騎倚松羣。

妖狐人立啼霜，又出於背挽入壘門中。沙頭毛血在

胡鷹掣碧條，直逐飛鴻去。遙嶺沒烟嵐，茫茫不知處。

麗龜奔鹿殪，賀語一時喧。呼酒肝其肉，盤中血尚溫。

獵倦郊雲晚，飛鷹呼未回。停鞭酒旗下，大雪暗天來。

人日同諸兄友賞梅榮谷分得韻歌 己未

梅樹幾百株，斷續春澗阿。花影浮流水，水色帶暄和。

携遊作人日，喜此伴侶多。鳥亦求其友，嚶鳴雜嘯歌。

傷彼西山子曾經共來過境自如昨日人已渺山河
徙倚悲往迹蒼茫嘆逝波舉觴為君酌清香送慢坡
送齋藤文貫祇役東武

春入公程興俱長山容水態總思光心閑賢路不崎
嶇于役千里亦堪娛嶺雨坐轎閑聽鳥丁研津漲停
鞭暫蔭柳凡期循環舊無愆往來况屬百花天

清末侯毛利公枉駕草堂恭賦奉呈

大馬嘶風五柝陰驚君小隊重來臨敢將濁水奉清
路忽見朱衣映碧林榮想仲先留刺意賢知于木軾
閨心愧無佳設供騶從乳燕遊絲春自深

雨後

滿塘新水未全清漣影層層弄夕晴紫燕花高知漲
退青荷葉動覺魚行

醉歸分得韻江

醉歸偏愛聽淙淙停杖黃昏立石缸竹樹環村無缺
處燈光認我讀書窓

九瀨縣令早川君能聲久傳去羊戊午

幕府賜金褒之適有崔瑞主簿某為乞詠頌焉
政績聞天卓魯名崔書新襲賜金榮化期俊秀聯翩
起縣舊無學君創祥見雌雄嘹唳鳴馴雉遙如勞撫

長亦微
先生亦
時為之
而字下
必奇語
不必僻

字破雞何必賞神明最傳孚卯多全活洞民產丁多不養君建法

村童騎牛圖

炊烟橫野夕陽空家近溪南竹樹叢嬉戲終日始知
倦草間分路各西東胸宇未嘗著文字世途何問有
窮通牛背馱過太平象花邊流水柳邊風

採蓮曲二首

誰家採蓮女見入深隱花風起花撩亂時時露鬢鴉
停橈暫待入流入荷花去打起睡鴛鴦欲知舟在處

次藍青中山君韻

藩府臣僚雄武姿更欽詩句擅清奇病夫衰野甘枵
散豈獨吟腸不入時

中條歸路次文輔韻

郊雲釀雨衣山低家指長松亂竹西十里野程人不
見秧雞角角隔林啼

即事

晏起家童未掃門繞簷梨雪午風暄一雙狂蝶相追
去直自南軒出北軒

題畫

洛下僑居何所有南天竺擁讀書惟閑庭間無人客

花山低
三字自
死生關

到黠禽來啄紅玉枝青山養病十餘歲觸感時望天
一涯今朝窗外聲磔磔忽憶三冬映雪時

即事二首

柳上風收枝枝搖未定隣家打麥聲
新漲清還濁輕風小板橋灣灣楊柳影
烟雨長魚苗

酬中山典客再次前韻

聞說城中賞會多白吟劉論日經過
豈圖龍領探珠手再和僮俾村父歌

題畫

十里去尋詩不知西日落蒼黃
回馬來好句盡忘却

路上

反照入楊林沙灣起未暝
母牛與犢兒隔水相呼應

題畫

晚來收釣竿獨坐垂楊岸
欲數水中魚風吹細波亂

又

細路苔泉曲清陰竹塢傍
追涼不知遠歸袖帶星光

又

溪流曲曲水澄澄夾岸村家互喚鷹
沙觜老槐陰幾畝女兒環坐補漁罾

七夕送人

課題

天上文歡夜人間祖餞時同心非易得別酒不須辭
白露橫江冷明河抱郭移來年雞黍約莫後女牛期

秋夜讀書韻限

讀書常易忘而亦懶手抄羸疾知無成終自不能拋
孤坐親燈火蟲語寂夜郊會心頗撫案或聞鷄嚶嚶
所望非將相取樂勝絃匏但愧多紕漏琪璧貽人朝
送箕浦子信移居平安

平生揚善志到處說項斯愧無人倫鑒虛觀被人嗤
獨君精醫事不負我所推容備兩三年車馬簇門籬
此去家大都請者益倍篋苟能戒滿假芳譽長不衰

我亦與榮光以免不明嘗時正當秋半杯酒遲追隨
蛩語垂蘿館露華敗荷池賞月有來歲邀君更何時
野迥鳥飛低天濶雲行遲西風荒驛夕醉裡悵臨歧
十四夕途中即事同文輔賦得光字

烟雨霏霏暗野塘今宵恐不得清光俄然風轉雲纔
綻月在前峰獨樹傍

十五夕無月分得韻齊廉塾同
諸子賦

梅後曾無雨作泥正當三五乍淒淒風雲變態原難
測詩酒幽期賴不睽隣舍語擊秋驛靜遠村燈影夜
山低賞情誰為陰霖減况屬天心慰望寬

隱居圖

老梅花底曲溪涯十笏茅堂住者誰門有山僧來植
杖意應銜袖攜新詩

賀鈴木蘭庭致仕

先生黑羽大夫執政三十一年封內大化或為乞詩四方

大朝新政首安民誰料先鞭別有人誨子羨逢東里
惠受屢願結許行隣

寄慰勝島敬仲悼亡

秋深蟲語近空房轉覺殘更長復長
穉子悲啼衾褥冷曉燈孤照合歡林

題李溪居士擬古詩卷後應賴千秋需

相本

黃金白雲已成陳牛鬼蛇神各競新李溪卓然守古
調冲澹欲與韋柳親人道凡馬宜康衢若逢險路便
逡巡興到偶擬衆賢體郊寒島瘦多逼真靈物由來
不可測隨處能屈復能伸因知巢許安擊壤用時亦
可歌臣鄰江南名家如鯽魚獨有李溪寂聲塵譬如
李艷桃嬌日幽蘭谷底別占春又如逐鹿斬蛇際武
陵洞口獨避秦少年恃才且夸富搜覓餽釘銜奇珍
誰信逸足能用短慨慷潛拯正聲淪千秋詩腸亦鍊
石不隨時世共緇磷翡翠鯨魚雖異趣鏡花水月竟
同倫重贈此卷君休怪知音同世有幾人

千秋云李溪再寄此

卷不知何意豈
老善善忘也

亦馬關懷古

蚤雨茫茫海上村水濱何處問英魂
祇聞波底皇居在誰信人間老佛存
鷓首不還悲楚澤鵬程無際接
厓門腥風吹斷蓬自夢島樹汀雲鬼氣昏

其二

鎌倉城雉亦敷蓄豈獨南征事可悲
却有闔門齊殉節不如二弟急燃其
于今彼此成千古自昔豪奢能
幾時一闌妓王秋艸唱奈何芳臭並
枯萎

和田亨作小倉舟中作

鬼武之
鬼當電

空洋風死四無聲鬼語飄飄出
水行遠火一星何處所阿彌陀寺
曉鐘鳴

山巍巍

分賦雜體
余得三言

山巍巍水悠悠日既墮人未休
其一舟搖搖馬蕭蕭誰得志誰失意
其二水悠悠山巍巍有人生有別離
其三陸為車水造舟有道路有遠遊
其四花落紛月出皎歡復
其五悲人坐老

西山翁小祥前一夕宿至樂居

三十餘年夢一醒更驚永訣又周星
風自葉落空齋曉憶昔同君側枕聽

印山陽

白雀 應難波
其需

雪裡鮮先奪，梅邊影共疎。何由知是雀，噴噴白蓮車。

畫山水

溪村三五戶，一向絕風塵。自種梅花後，春來引外人。

畫虎

麋鹿不加少，豺狼不加多。弱肉供強食，得喪竟如何。

乘除有天道，山君莫驕誇。

東方朔像

編貝懸珠舊侍中，群仙會裡獨威容。怪來不遜稱狂者，每對劉安語更恭。

備後三郎題詩櫻樹圖

騎馬擊賊下馬檄，三郎奇才世無敵。夜穿虎豹達行在，衛騎眠熟柝聲寂。慨然白樹寫幽憤，行雲不動天亦忿。中興誰旌首事功，一門猶懷貫日忠。金奩再南乾坤變，五字櫻花千古恨。

題後赤壁圖

清都春夢一場空，何處遊蹤不雪鴻。有酒有魚今夜月，復驅蘇子上孤蓬。過眼雲烟到處娛，雪堂何與玉堂殊。山高月小別天地，不入青苗新版圖。

三首應
京人需
者皆信
卿在京
因令其
詔諸子
取一首
題焉洪
國六如
共稱其
尾以襄
現之似

不如其

疎星淡月建章宮回首舐稜跡已空今日黃州亦新
夢幽心寓在鶴聲中

杜子美王維對軸圖

語犯嚴武將虎鬚義明房琯批龍鱗氣岍崢嶸大男
子要見臨危不惜身西莊給事性溫雅今讀其詩想
其人遺世雖慕沮溺賢不忘身為唐室臣曲江宮殿
何日開凝碧管絃使人哀一種忠愛並可重最思辛
苦賊中來

寄六如上人

上人久住峨嵋
近聞移一條街

移花植石禁街傍却想山寮漸就荒投老不亘寒江

境於詞
而切於

地灰心那避綺羅場茶烟芋火歡堪戀謝屐陶籃路
自長千里何當訪新築飽聞舊日木犀香

蠟碣公子波響樓四時詩按圖而作

庚申

高樓置酒興如何四面栽櫻春色多怪見清音生樹
底落花汀上上晴波

追涼欄曲會賓僚海上炎氛晚已消清露無聲楓影
淨層波有響月輝饒

繞檻銀山峙復崩疑看羊角送飛鵬大夫健筆爭雄
壯賦就何須數廣陵

屬茵獸炭已韶光樓外何知風雪狂帳繡波瀾如有

響壁描花木欲生香

得近藤君蝦夷書却寄五首 事多用書中所言

八句可作一篇 讀逸事業

新政汎愛愍蠢愚遙分使節赴邊隅奈何蠢愚諭得難文身徒訝章甫冠曾聞理繩急愈亂何況東夷動

橫叛風化有漸誰預期機會易失要及時

潮勢撼山溟色惡夷人彎弓走崖角崖若屏障人若

獸一箭直射黃熊落吳越元自侏儻鄉漢晉終成冠

帶塲斯地如能歸版藉此輩亦可備邊疆

大洋波濤日夜驚小船直輾鱗背行夷人羅持謁使者

靖州未有之詩

生面南望奧州幾千里牛斗依微低不見

奇才始能建奇勳不知今世誰其人尉陀可繫蜀可

諭我於交遊獨得君花映章服暫燕城雪壓官船復

鵬程靡監猶能顧樵漁知君臨事勇有餘

病中得君洋外書轉羨夙志答桑弧去年崎陽諭紅

毛今歲蝦夷備赤奴舟車萬里已足多况隨到處播

恩波堪笑今時好遊者纔到洛攝向人誇

病中六如上人錄示贈蠟碯公子詩次韻以謝

兼呈公子

京洛豪遊不負春溪村幽處與誰隣信來一夕知琪

却是
浣花

穩情切連朝覺寔頻遙想拍肩俱步履自憐試脚便
逡迤新圖或可除衰病公子丹青筆有神
誰言多病故人疎時有悲心問索居目斷嶺雲歸雁
外春深郊寺落梅餘不才只服蘇州藥濟勝休巾栗
里車笑向長安想行樂幾回舒卷讀瓊書

又

為慕支公轉愛山前峯何日近清間挂冠果踐他年
約儂亦卜隣時往來

和六如上人十春詞

春寒

三家工
而相敵
不彼終
溫如此
灑潤雅

不獨衰翁日卧牀無人修復作流觴憶曾在洛春暄
早前月中旬賞海棠

春陰

相攜女伴探花行盡日春郊不放晴歸袖匆匆偏怯
雨暗愁寄在畫眉聲

春雨

欲訪芳山萬樹春首途檢歷揀良辰奈何水郭連朝
雨打盡殘紅漾滿津

春晴

出花入翠路縱橫人取春光多處行今日城南好晴

景何村樹杪不風箏

春夜

微風淡月弄芳妍正是千金一刻天直置春來愁夜短
奔忙紅事動疲眠

春月

四郭紅塵夜未收林頭月色澹含愁小閣期人人不至
生憎花影上欄頭

春曉

課童同作錢春詩不覺春宵數刻移醉裡鶉歸深巷
外曉光已在白櫻枝

春水

滿川新漲綠平橋橋上行人影動搖指點歸鴻滅沒
處比良峰雪已全消

春山

雨時烟霧霽時塵眉黛模糊粧未勻至竟春山足差
態不將淡掃面遊人

春夢

分明昨夜入雲峰聞得君家講後鐘春夜果如秋夜
永續成殘夢會相逢

小寺奉祠令堂百歲壽言

盈百古所難况乃在女中更羨芝蘭美繞膝侍歡容
春風芳樹晨醺酒進壽鍾歌頌不_能入一家珠玉叢
多福有如此益仰母德隆

四月五日夜夢賴千秋明夜夢中并喋翁西山
拙_全二子覺後悵然成咏

連夜夢故人尋思轉傷悲千秋在遠道_代不_能期
喋翁雖久別鴻信賴及時獨傷西山子馬鬣宿草滋
人生寄幻泡其間幾相知願言時來往琴酌共遊嬉
東平車可命河渚居可移奈何異路者祇自憑夢思
廉塾同小野泉藏賦分得流字

君家柳畔一流支流吾塾槐陰五折溝願引支流合溝
水時時來往釣魚舟

和人藤子武詩卷有柳渡遇雨作余亦嘗犯雨
入芳野因次其韻

君曾衝雨步溪濱我亦披簑航夜津舊與併生舟
感前遊屈指七經春

長門楊井謙藏袖詩見訪次韻以謝

半世沈痾未有成自憐霜髮滿頭生
衡門牛跡春耕
路隣壁燈光夜讀聲底事藩朝珠履客來尋沙渚白
鷗盟樗材宜向荒村老錯被人傳高尚名

兩南之
化淪其
肌骨必
自此等
詩為定
風

遙同枕雲道人白山篇篇中云人間無藥生羽

末句及之

長夏戴雪是何山雙峰白壓千螺鬢行人指點靈山
靈有鳥食雷形似鵬須臾層雲蔽半腹峰勢欲奔近
我前愧無傑句荅來意看盡歸鳥沒蒼烟別來荏冉
七星霜夢寐猶見司寇冠偶得故人北遊州開看首
載白山篇我隔二州瞻頂相君過西麓盡全身雲中
玉女勞招手樹杪貝闕映吟肩雄才况有岳神助何
論擲地鏘鏘然誦罷悵念曾遊境回首蒼茫覺無顏
歸雲一握晴空迥遠嶺萬重夕陽殘何當歷覽悉絕

惟時出君詩問青天疾夫此願雖非易君能著鞭誓
追攀右軍去官便道侶尚平了誓是地仙儻解心頭
一條絆羽翰可生霞可餐

贈白雲上人

上人奧州白河人能畫白河侯著
集古十種搜索摸寫上人亦與焉

飛錫浮杯動歷年彩毫到處壯山川更將妙善通神

技助作歐公集古編

妙善見東坡詩

贈大野萬平

名文泉奧州白河人善寫真

遍訪儒流便寫真知君家法妙傳神關東今日多佳
士欲置山崑許幾人尾藤博士送廣瀨以寧序云山
東人士知出不知處山西反之

兩後即事

黃梅詩卷五
遠岫橫霞彩翠開溪村仍在亂雲堆起行林外量晴
雨稀點如丸逐北來

竹枝詞

大帆朝出浪華城直到仙炊日始傾倡家遙認船頭
號鴨背忙裝雛妓行
幾艘帆席挂新晴相逐相踰幾日程忽入島間分路
去燧洋洋上復駢行
備西諸島水為田雪日炎天每在船兒女不知刀尺
事家家結網蚌燈前
遠映青天近碧山滿江帆影趁晴還何緣晚際俄稀

少一半來收拖子灣

漁村離戶幾汀洲門巷多臨小海流島女嬌羞能掩
巖市童嬉戲已操舟

題畫

家家放鴨向晴灣戲藻銜蒲竟日閑薄晚自知棲宿
處波間分路谷來還

拖子灣

荒山何處舊行宮島寺沙村烟靄中一去龍舟春幾
度紫藤花落暮灣風

古神島

二千餘歲幾滄桑只見寒川入海長
田墾武皇停鷁處村荒墮老踟蹰塲

神邊驛

黃葉山前古郡城空濠荒驛半榛荆
一區疏圃羽柴館數戶村烟毛利營

題畫

狂風噴雨暗前灘不那高帆卸得難
猶幸寒霄晴霽早隔林有寺鼓聲乾

木龍

應味尾生靈

傳道山氏藏木龍天造全具虬龍容
屋山連山樹幽

古調

邃樹裏朝昏噴雲氣或言有物蟠其
間葛荒時時見蜿蜒一宵霹靂掀巖窟
朱火冲天餘蛻骨主人携歸日摩挲相
傳珍玩永在家此日興來索我文出看
惟肖符曾聞頭角之而勢飛躍靈物誰
知假是真嗟我彫蟲知拙技欲題數言
恐批鱗

題畫

誰向懸崖置畫堂朱欄高擁翠嵐光
若非衣白山人宅定是華陽宰相莊

家第沒後得六如上人書

平日林公字多傳自阿連如何今度
信不帶阿連箋

二十字
疾痕可當
一篇祭十
三商文

早川明府寄栗山先生所貽富士圖索詩云是
谷文晁以岳頂雪水和墨所寫

富士山頭大古雪何人和墨寫真容數峰出雲光欲

流來映河陽桃李叢令尹下車稱神明興學君嘗建

九賴及君嘗著諭蒙以布部內四飛聲往事謗談三異美

今時親見二瑞呈九賴鄉校開講日有及鶴下學田

尺幅中
多少幾
積而無
窘苦感

草不時而花却有仁壑道難忘時亦披圖獨怡暢博

士贈此非漫然知君為政心自閑琴堂夜靜明秋燭

訟庭日長足午眠此中卧遊無限興不羨城頭姑射

山

杪冬廉塾詩會分得韻蕭

山鄉歲將杪飛雪舞回飈歸省各在近惜別酒一瓢

顧余多疾病鬢髮徒飄蕭諸君何所慕遠來寓書寮

幸無外事牽心跡共逍遙開帙坐月夕賦詩咏花朝

看他遊冶伴爭逐絲肉嬌双芥媒天札聚蚊扇輕佻

此中成雖少商略獲亦饒凍雲收落日村聲轉幽寥

暮禽歸竹堤寒渠鳴石橋遊方固難屢過隙奈易消

願言甘岑寂所期在賢豪

老馬

生前無一顧身後尚千金萎軟追風足飛騰伏櫪心

畫馬

無限感慨

升平二百年此物終無用幸不見良媒寢訛堪自縱
題畫

過盡丹崖復翠岑貪看不覺入山深忽聞樹上鳴禽
語已異村園慣聽音

又

出信濃向尾張

山差雍容水差潺馬蹄纒忘路程難遙青一髮知何
處楚尾吳頭暮靄寬

美人持扇圖

秋風一夕入羅帷恐怕齊紈行見遺憶撲流螢隨女

伴人間愁恨不曾知

黃葉夕陽村舍詩卷之五終

Blank space for writing on the right page.

黃葉夕陽村舍詩卷之六

備後 菅晉帥禮卿

西福寺賞梅 辛酉

品茶琢句坐斜陽
閑事偏知春日長
暮鳥還棲驚有客
梅花花底小僧房

次韻伊藤友太郎春日田家

弱柳新花媚晚晴
園林無處不鳴鶯
村家誰會春遊樂
弟耨兄鋤荅太平

揚柳枝

回首青春意惘然
東風又上麴塵烟
空思白下門前

美川 道譽

柳繫得王孫歷幾年

閑行與南部伯民同賦

家無絲肉勸杯觴聽鳥尋花向澗岡正是清明好風
日逢君携酒叩茅堂

三月盡日與諸子同賦

終歲思花時花開歡幾場春風九十日忽復別風光
余亦有青春回首夢茫茫多病身早衰雄志鬢添霜
歲有逢春日藥無却老方昨遊作塵劫今日又昏黃
不如招同社相傳花下觴

首夏

平淡
境是後
生所當

妖然嬌紅昨夢空誰添濃綠抹林叢麥寒連日成蕭
瑟斷送鶯花是此風

嵐山石 石藝州某大夫
遊嵯峨所采

何處遊偏樂難忘是法輪盆中一拳石夢裡數峯春

次渡邊貢卿見贈韻

病客幽居好清時仕路賒久燃新里桂 貢卿久寓於
平安新里今
新却種故邱瓜倚檻看雲起論心坐日斜但須羣野
鹿不必聽官蛙

次三宅考祥見贈韻

昇平宦路也羊腸轉覺山林引興長志氣憐君肉生

王孟
優孟

醉烟霞笑我疾居有鐘邊墟落翻晴鳥木末峰巒挂
夕陽賴有風騷同樂地喜雋尊酒叩幽莊

漁村

舍南晒漁網舍北繫漁舟漁叟陰楊柳呼童敲釣釣

富士圖

縹緲列僊都玲瓏羣玉圍峰腰一片雲散作千山雨

次齋藤文貫見寄韻

舊歡如夢景光移憶昨槐陰對酌時酒戶近來多半
減囊錢得買釣魚絲

即事 島子瑞
別莊會

不言高
而高與
秋玉山
作連壁

試才分賦僻題詩撚斷吟鬚成並避夜就涼棚開檢
韻絲燈懸在偃松枝

松山荒木某藏大石原二子書二子嘗祇役松
山某祖父與之交後書問相續往復為堆復譬
後多為人取去今僅餘三紙云頃介人寄示索

詩

二子英風世所欽寸絹尺牘抵兼金木氏所弄墨如
濡皆與祖翁往來書祖翁交歡非經久底事越國長
相友非由德容見愛重必有冰鑒燭智勇夏林衆不
並青葱雪嶺獨見秀孤松國破始能知忠義察之未

據事直
叙便成
新奇是
茶山詩

形尤非易二子偉人不煩獎翁亦奇士真堪仰富兒
求購相矜誇何似交誼傳在家

尋涼二首

何處尋涼去行窮野水源泉從庭際涌雲傍屋端屯
大石晴猶濕長林午欲昏尋涼何處好涼在水源村
何處尋涼去行窮野水源泉從庭際涌雲傍屋端屯
田洫分漣影徒枉落漲痕尋涼何處好涼在水源村

題溪山曉霧圖

野霧糝糊迷四顧水光欲滅山將曙隔溪聞得讀書
聲應是前村村塾處

關天地
未有之

畫猴

栗毬初裂秋谷晴子母相戲坐柴荆展來風露迸筵
席吐柴齒齧如有聲如今世無易元吉神肖形似定
誰筆入道壇場有祖仙時携画具宿嵩室

畫鹿

野心高貌是誰儔澗月崑烟好共遊嶽嶽談經非我
事不如從汝老林邱

題畫

松澗微風欲曉時獨亡鬪酒返茅茨滿前幽事難拋
去拈出鳴笙向月吹

次道光上人寄慰韻

孤棺遠葬洛陽城，醉墓何時訴我情。
依舊西堂千里夢，奈何春草滿墳生。

屈原行吟圖

寒瀟蘭蓀瘁春郊，蕭艾深沅湘。
千古恨天地獨醒心，諸葛武侯像。

漢季英雄鬱若林，最思忠憤一門深。
三分割據爭才略，二表精神照古今。
馬謖曹姦俱白骨，吳驢魏狗各丹心。
空因繪事悲當代，西顧雲天晚日沉。

陶公墨竹

諫武侯併其兄第從此

經營原在意，書畫豈殊姿。
我弄斯翁字，驚蛇挂竹枝。

題登登菴松島詩卷後

尋勝荒陬留幾句，歸遺一軸照鄉隣。
山陽三萬六千島，恨不攜圖誇北人。

送中山典客應召赴東都邸時臘月二十八日也

特招遙趣駕公事，故嚴程早食燈前。
舉新春馬上迎寒，潮荒井渡夜雪駿州城。
行路從非易，風波豈可輕。

元日

壬戌

閑鳥呼眠午，牖晴田家元日自幽情。
散材能供廟堂

用章服徒添林澗榮一任梅開催老境復逢風暖可
吟行遊嬉每喜芳春至五十餘年夢未驚

間行與吉本生同賦得耕字

林鳥啾啾語溪澌泱泱鳴風將吹病去草自喚愁生
齊郭寒初退春郊人已耕君如減書課我亦伴閑行

內藤大夫見過分得韻侵

乘晴調馬過遙林野戍山村春已深茅屋亦栽梅柳
在請君繫轡聽鳴禽

題畫

暮嶺烟將紫秋林葉半黃歸人愁薄夜轉覺野橋長

頌唐語
非老人
無此調

冷淡語
非隱者
無此味

又芭蕉
蝸牛

追涼日向園林步早起偏驚天易曙
夢蕉欲寫一聯詩蝸牛猶在昨宵處

題龜井道載災後所畫竹應僧惠剛需

直節由來取人疑虛心底事致天災
庠蠻列屋誰蒙葺經史充疎空燼灰
賴有兇毫燒未盡時時畫竹佐舉杯

寄題道光上人聽松庵

夜深何處撫孤桐聲在長松落落中
獨坐茅庵傾耳聽只聞靈籟不聞風

道翁語
不平
被他人
實去

西行上人山居見月圖

職在兵衛祿世家臨危竄跡意若何當時將士咸豺
虎風流如君能幾多大厦難支去亦可君旣圓頂論
奚苛金鼓如雷震天地靜看松月下山阿

岡元齡樂在堂

雄縣連甍山翠光吟聲認得故人莊風流堪自通諸
彥德望無論長一鄉移席松陰晴旭麗隔牆水韻夜
簾涼君家真樂在何處第畫兄詩娛北堂

次竹山先生元旦韻

育笋摘藻樂堯天康健知君清福全四海宗師才命

世三朝文獻史編年舊歡忽在魚緘訊新曆偏驚駒
隙遷何日梅花江上艇陪乘相狎白鷗眠

草香孟慎基

埋玉三年後柏香一瓣供頭方基自信氣岍火人容
塵積烏皮几苦生馬鬣封遺編托女甥猶足慰龍鍾

即事

芥舟泛泛帆輕颺梅雨將晴將雨時連日人稀日偏
永讀莊讀至大宗師

橘惠風遊豫州迂路過草堂

時哲多零落惟君託賞音孤尊九年別偶坐半宵心

與病遊懸海，迂途入遠岑。後期何日是，鬢髮並霜深。
送內藤叔恭歸大和

始勸山杯即別筵，重啟澗戶定何年。一帆東向三芳路，路入天低鵬沒邊。

道光上人見訪

時西隣有喪

人在風輪內，聚散固其宜。東西任吹轉，來往豈定期。
生既異鄉縣，所住又天涯。廿年七相會，因緣亦何奇。
奈何別日多雲樹，空相思對月開。君書看花誦，君詩
此夕忽聞笳。驚喜翻成悲，坐定無多語。燈花耿書帷，
却恨牽事緣。早晚當此離，荒歲頻霖雨。秋如一凄其。

家釀未全熟，淡毛已半萎。况屬春不相，何以作遨嬉。
留泊雖然少，君意我不疑。供設雖然薄，我心君應知。
只覺垂老境，眷戀情轉痴。浮雲翔復歛，歸燕去自遲。
飛錫君且緩，後會詎何時。

九日與道光上人訪舊，上人有詩次韻賦呈

滿城風雨暗林灣，此日逢君宿竹關。天外情懷惟錦
字，尊前悲喜並蒼顏。故人凋落十年內，往事荒涼一
瞬間。浮世如斯莫辭醉，登高來歲更何山。

又

一區桐竹澗沙灣，幽鳥呼人樂意關。萍跡幾場能聚

首菊籬有酒且開顏風流君自堪身後疎懶吾徒老
夢間好共高僧作佳節携壺不必上齊山

之甲山路上二首

雲程纔出險人處不知名市聚看相近風傳亂犬聲
岍火秋溪澗雲鐘暗寺深人來知有路曲曲入疎林

又

石上流泉幾股分人聲空響兩崖雲黃溪諸記誰能
續呼取柝州柝使君

偶作做明人行路難體

雨冥冥風稜稜鳥未出柝人已興其牛已飯雞在埭

人輸井稅夜未歸其物無窮欲難盈天若可階人盡

升其池水淪城樹秀踈輪絡繹人非舊其

即事

乘醉尋吟侶溪山欲夕時食成眼前句忘墮袖中詩

題畫二首應岩野大夫需

春城退食日猶高命爰枯魚煖酒醪厨下豈無梁肉

供要令僚屬警著豪右枯魚

秋入鷹身羽翮肥金眸玉爪自雄姿上林若得留君

栖不許姦禽借一枝右鷹

寄謝中山大夫惠筆

朱邨陪歡翰墨深喜分餘興守雲林時清諫疏尤直
罕猶想誠慙自畫心

題畫 癸亥

鰲鯨嬉晴野痕叱歸自逐牧人何處去遙逐放鳶兒
賣花聲

遙聽餘韻散晴空漸近狂香送午風數擔春光價多
少一聲聲入軟塵紅

奉賀清末侯毛利公四十誕辰十二韻

華族推江氏支封據海鄉憂民家守法下士世流芳
爽葉公侯列清客鶴鷺行緇衣餘仰慕赤芾足休祥

蘇李古
風二篇
共似不
如此升
字

吟嘯思耕釣溪山駐感揚每從朝覲路來叩蕙蘿房
衰野漸葭玉虛名叨罷光年君稱不惑政我見無荒
朱邨同盟會瓊筵祝壽觴玄談龍虎變仙樂謏韶張
盛事遙堪想幽欣空自長忽蒙尋舊徑聊為賦新章

李白真

螟蛉高力士鷗鳥永王璣狂醉癡暉意何人能寫真

竹田夜歸

漁伴攜歸笑語喧水禽驚起出林翻竹田村畔溪橋
路螢火羣飛夜不昏

題武君立美作途上諸詩後

遊美諸篇語可師直書所見不求奇吟來死似經其境始信雕鐫是偽詩

船中即事 詩會分題

海天如墨夜雲低船尾船頭咫尺迷忽觀桅尖微沫
淺呼醒三老卜東西

賴千秋裝亡友葛子琴手書詩數十紙幅作四
橫卷分乞當時過從者四人各題其下方余亦
與焉

都下歡遊彼一時念君高抱愛狂痴同舟郭太人爭
指投轄陣尊世共推此日蘭金多鬼錄當年葭玉憶

仙姿未能捐俸刊遺稿舒卷斯編愧且悲
畫虎

武射今無用獵圍聊快意恨他飲羽技未向渠儂試
追涼

追涼深入松松下橫沙澗沙澗沙如雪纖流伏還見
村翁秣馬圖

歲晏輸租稅昏黃始出城歸村先飼馬積雪夜簷明
黃安跨龜圖

縮頸時堯未生出頭時漢已興中間昏瞶三千秋不
見虞夏與商周冕旒輅車天下美不識仙人語汝不

人視表
吾視裏
後生得
此訣出
語便非
凡

閑行

廢書逃午熱出巷愛晴風
牧路苑邛近耘歌糾笠叢
遙雷羣嶺外歸雀斷虹中
偶與山僧值無言蔭碧桐

三顧圖

禮賢人所知忘勢真非易
三顧想尊光千秋傳美事

全

耕夫何必鄙人主豈皆庸世之
崔徐輩風雲失幾龍

崔文姬歸漢圖

在胡常念漢歸漢亦思胡胡地
何堪戀難忘是二雛
二雛相追隨問母欲何之
不知乖隔永只言早歸來

渺渺塞沙平亭亭漢月生
飲泣從此訣班馬一時鳴

柳子厚小石潭圖

囚山何所樂水石遠危機
宮點君休戀赤丸飛禁闈

子厚詩云傳點亂宮鴉

張魏公

時至成名易功高折節難
晚纔知伯紀猶且投閑官

魯肅

拒操功何偉援劉慮亦奇
一條尤可想字下尾權時

東坡像

詩窮誰似公窮甚道逾隆
恨不生當世署名詩案中

後氣貫千古

史眼燃犀

菜花狗子圖

狗兒嬉菜圃村巷亦春輝花事思京洛待他黃耳歸
中秋將遊甕江會尾路松田教之山田恭藏書
來云就余同賞乃不果發及期值雨二子亦不
來悵然賦此

望入待月立多時無那雲煙滿地無二客心如今夜
兩使儂幽約兩參差

是夜三更始齋乃賦

初言秋翳動難開忽喜清光落酒杯二客願如今夜
月暫時違約竟能來

旅情 和歌題

千里家山信開函轉自愁函中唯一句何日大刀頭

伊賀局拔樹圖

將門亦出傾城美女手偏驚拔山技如使官軍收舊
涼合分一部煩娘子

源太景季妻折花圖

一朵清香一掬心拗花知是惜花深當時僚屬皆狼
虎猶有風流照映今

雪行

橋邊立馬見黃墟林麓皚皚雪齊初十里溪流冰半

天下紛
紛經幾
秦

結有人簑笠獨叉魚

中山大夫宅夜飲

時大夫移居

宅更_ノ湫隘_ヲ近_ニ城濠_ノ窻_ヲ納_メ蕉樓_ノ氣象_ノ豪欸_ノ話_ヲ一宵_ノ捫_レ瓦甍

坐_レ統檐_ノ喬木_ノ七星_ノ高

題畫

行人爭渡滿船倉高檐僧包各異裝中有女郎相對
語語音輕脆是京倡

暗裡用典

黃葉夕陽村舍詩卷之六

早稲田大学図書館

011888009312